

ma fratres tuos: manifeste nos remittens ad exempla fratrum nostrorum similem sævitiam Satanæ expertorum. Hinc B. Petrus I. Ep. 5. ait: *Scientes eandem passionem ei quæ in mundo est, vestra fraternitati fieri.* Denique solari nos debet exemplum Christi, qui cum esset Filius Dei, tantum tamen diabolo adversus illum licuit, ut illum secum abduxerit, tantamq; petulantiam in ipso exercuerit, ut mirari subeat tantum nequissimo in sanctissimum fuisse cōcessum. Veruntamen hæc fuit cōditio exinaniti Christi, qui semet divina sua majestate exspolians omnibus illius juribus ac privilegijs renunciavit, ut posset tentari velut homo & assimilari fratribus suis. Neq; vero nullū momētum habent ad nos cōsolandos exempla Jobi & Pauli.

CAPUT LV.

DE MORA ET DILATIONE
auxilij divini.

Habac. 2. *Quia adhuc Visio procul,
& apparebit in finem, & nō mentietur: si moram fecerit, expecta illam: quia veniens veniet, & non tardabit. Ecce qui incredulus est,*

NON